

Broj: 1723-4/17
Sarajevo, 08.03.2017. godine

Na osnovu člana 69. stav 2. tačka a) i d) Zakona o javnim nabavkama („Sl. glasnik BiH“ broj 39/14), člana 70. Zakona o javnim nabavkama („Sl. glasnik BiH“, broj 39/14) na preporuku Komisije za javnu nabavku broj: 1723/16 od 07.03.2017. godine, u postupku javne nabavke roba – Medicinska sredstva – Potrošni materijal laboratorijski i za medicinske aparate – tender broj 18/16, direktor Javne ustanove Opća bolnica „Prim. dr. Abdulah Nakaš“ je donio

ODLUKU **o poništenju postupka javne nabavke**

Član 1.

Poništava se postupak javne nabavke roba – Medicinska sredstva – Potrošni materijal laboratorijski i za medicinske aparate – tender 18/16 za sljedeće lotove:

1. LOT 10 - Potrošni materijal – vakum sistemi iz razloga **što nijedna od primljenih ponuda nije prihvatljiva,**
2. LOT 11 – Potrošni materijal – vakum sistemi – pedijatrijski iz razloga **što nijedna od primljenih ponuda nije prihvatljiva,**
3. LOT 12 - Potrošni materijal za instrumente KARL-STORZ iz razloga **što nije dostavljena nijedna ponuda u određenom krajnjem roku,**
4. LOT 19 – Potrošni materijal za aparate – gelovi za elektrode aparata iz razloga **što nijedna od primljenih ponuda nije prihvatljiva,**
5. LOT 20 – Potrošni materijal za aparate OLYMPUS iz razloga **što nijedna od primljenih ponuda nije prihvatljiva,**
6. LOT 22 – Potrošni materijal za aparat – gel i pasta za aparat iz razloga **što nijedna od primljenih ponuda nije prihvatljiva,**
7. LOT 27 – Potrošni materijal za aparate – filteri sa izmjenjivačem vlage i topline – antibakterijski iz razloga **što nije dostavljena nijedna ponuda u određenom krajnjem roku,**
8. LOT 28 – Potrošni materijal – usnici za spirometriju iz razloga **što nijedna od primljenih ponuda nije prihvatljiva**
9. LOT 29 – Potrošni materijal za bronhoskope iz razloga **što nije dostavljena nijedna ponuda u određenom krajnjem roku.**

Član 2.

Ova odluka objavit će se na web-stranici Javne ustanove Opća bolnica „Prim. dr. Abdulah Nakaš“ www.obs.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: **6964-2/16 od 06.12.2016. godine.**

Javna nabavka je sprovedena **putem otvorenog postupka.**

Procijenjena vrijednost javne nabavke bez PDV-a je **161.423,00 KM.**

Obavještenje o nabavci broj: 1125-1-1-312-3-95/16, poslato je na objavljivanje dana **16.12.2016. godine**, a objavljeno je na Portalu javnih nabavki dana **16.12.2016. godine**, sažetak obavještenja o nabavci objavljen je u Sl. Glasniku BiH broj: **94/16 od 23.12.2016. godine.**

Komisija za nabavku, imenovana je Rješenjem broj: **6964-3/16 od 06.12.2016. godine.**

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: **6963-6/16 od 06.03.2017. godine**, Preporuku o poništenju postupka nabavke za LOT 10, LOT 11, LOT 12, LOT 19, LOT 20, LOT 22, LOT 27, LOT 28 i LOT 29 broj: **1723/17 od 07.03.2017. godine** i Izvještaj o radu broj: **1723-2/17 od 07.03.2017. godine**, u postupku javne nabavke roba – **Medicinska sredstva – Potrošni materijal laboratorijski i za medicinske aparate.**

U postupku po Izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu kvalifikovanosti ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda - 9;
- da je blagovremeno zaprimljeno 9 ponuda;
- da nije bilo neblagovremeno zaprimljenih ponuda;

- da ponude ponuđača **SEDŽAN INGENERING d.o.o. Sarajevo**, **ENA d.o.o. Sarajevo**, **DERBY TRADE d.o.o. Brčko**, **ITALGROUP d.o.o. Sarajevo**, **SEMIKEM d.o.o. Sarajevo**, **GLOBEX d.o.o. Zenica** i **NEDAX d.o.o. Sarajevo** nisu prihvatljive iz sljedećih razloga:

Ponuda ponuđača „Sedžan-Ingenering“ d.o.o. Sarajevo nije prihvatljiva iz sljedećih razloga:

- za LOT 10 ponuđač za medicinsko sredstvo koje nudi nije priložio sve tražene dokaze, koju su traženi u tački 4. Tehnička i profesionalna sposobnost – u smislu člana 48-51. Zakona na stranama 8. i 9. tenderske dokumentacije.
- u ponudi za LOT 10 neki kataloški brojevi navedeni u ponudi ne nalaze se u Prilogu registracije, a za njih nije priložen ni certifikat.
- u ponudi za LOT 11 ponuđač „Sedžan-Ingenering“ nije dostavio Izjavu da se nudi neregistrovano sredstvo i nije dostavio certifikat za navedene stavke.

Ponuda ponuđača „Ena“ d.o.o. Sarajevo nije prihvatljiva iz sljedećih razloga:

- za LOT 7, LOT 9, LOT 14 i LOT 15 ponuđač nije dostavio Izjavu da nudi neregistrovano sredstvo, koja je tražena u tački 4. Tehnička i profesionalna sposobnost – u smislu člana 48-51. Zakona na stranama 8. i 9. tenderske dokumentacije,
- ponuda ponuđača „Ena“ d.o.o. Sarajevo nije prihvatljiva za LOT 26, jer je cijena ponude ponuđača za navedeni LOT znatno veća od sredstava koje je ugovorni organ osigurao za predmetnu nabavku.

Ponuda ponuđača „Derby Trade“ d.o.o. Brčko nije prihvatljiva iz sljedećih razloga:

- za LOT 13 jer je ponuđač priložio certifikat jednog proizvođača,
- u ponudi za LOT-ove 17 i 18 ponuđač „Derby Trade“ d.o.o. Brčko priložio je certifikat bez roka,
- u ponudi za LOT-ove 19 i 28 ponuđač „Derby Trade“ d.o.o. Brčko nije priložio certifikate za sredstva koja nudi,
- navedeni ponuđač u svojoj ponudi za LOT-ove 23 i 25, priložio je potvrde o usklađenosti za aparate, a ne za sredstva koja su predmet nabavke.

Ponuda ponuđača „Italgroup“ d.o.o. Sarajevo nije prihvatljiva iz sljedećih razloga:

- za LOT 10 i LOT 20 u ponudi nije dostavljena Izjava o prihvatanju uslova isporuke robe u roku od 7 dana, sukcesivna isporuka, kako je traženo u tački 7. na stranici br. 20. tenderske dokumentacije.

Ponuda ponuđača „Semikem“ d.o.o. Sarajevo nije prihvatljiva iz sljedećih razloga:

- za LOT 1 i LOT 26 cijene ponuda ponuđača su znatno veće od sredstava koje je ugovorni organ osigurao za predmetnu nabavku.

- ponuda navedenog ponuđača za LOT 19 se odbija na osnovu mišljenja krajnjeg korisnika.
- ponuda ponuđača „Semikem“ d.o.o. Sarajevo se odbacuje i za LOT 7 jer je ponuđač dostavio uzorak proizvođača „Geratherm“ koji nije u skladu sa dokazima i nazivom proizvođača u Obrascu za cijenu ponude (Heinz Herenz)

Ponuda ponuđača „Globex“ d.o.o. Zenica nije prihvatljiva iz sljedećih razloga:

- za LOT 10 - krajnji korisnik je mišljenja da dostavljeni uzorci nisu odgovarajući,
- za LOT 19 - cijena ponude ponuđača je znatno veća od sredstava koje je ugovorni organ osigurao za predmetnu nabavku

Ponuda ponuđača „Nedax“ d.o.o. Sarajevo nije prihvatljiva iz sljedećih razloga:

- za LOT 19 i LOT 22 cijene ponuda ponuđača su znatno veće od sredstava koje je ugovorni organ osigurao za predmetnu nabavku

Nadalje, u postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da za LOT 10, LOT 11, LOT 19, LOT 20, LOT 22 i LOT 28 **nijedna od primljenih ponuda nije prihvatljiva**, čime su se stekli zakonski uslovi za poništavanje postupka javne nabavke.

U postupku predmetne nabavke nesumnjivo je utvrđeno da za LOT 12, LOT 27 i LOT 29 **nije dostavljena nijedna ponuda u određenom krajnjem roku**, čime su se stekli zakonski uslovi za poništavanje postupka javne nabavke.

Iz navedenih razloga, primjenom člana 69. stav 2. tačka d) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.

Žalba se podnosi u najmanje 3 (tri) primjerka.

PRIPREMILA:

Amira Petrović, BA općeg prava, Referent za pravne poslove

KONTROLISALA:

Sadeta Hrustemović, dipl.iur., Koordinator za javne nabavke



DIREKTOR

Prim. dr. Zlatko Kravić

Zlatko Kravić

Dostaviti:

- Ponuđaču: „Semikem“ d.o.o. Sarajevo
- Ponuđaču: „Ena“ d.o.o. Sarajevo
- Ponuđaču: „Globex“ d.o.o. Zenica
- Ponuđaču: „Berg“ d.o.o. Sarajevo
- Ponuđaču: „Derby Trade“ d.o.o. Brčko
- Ponuđaču: „ItalgrouP“ d.o.o. Sarajevo
- Ponuđaču: „Nedax“ d.o.o. Sarajevo
- Ponuđaču: „Sedžan-Ingeneering“ d.o.o. Sarajevo
- Ponuđaču: „Medichem“ d.o.o. Sarajevo
- Odjeljenje za pravne, kadrovske i opće poslove
- Odjeljenje za ekonomsko-finansijske poslove
- Komisiji za javne nabavke
- a/a.